

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine na sjednici Predstavničkog doma, održanoj 7. i 8. septembra 2004. godine, i sjednici Doma naroda, održanoj 9. septembra 2004. godine, usvojila je

ZAKON

O UTVRĐIVANJU I NAČINU IZMIRENJA UNUTRAŠNJEG DUGA BOSNE I HERCEGOVINE

^lan 1.

Predmet Zakona

Ovim zakonom uređuje se način i postupak utvrđivanja i izmirivanja neizmirenog unutrašnjeg duga Bosne i Hercegovine prema budžetskim korisnicima do 31. decembra 2002. godine, isključujući obaveze po osnovu izvršnih odluka (u daljem tekstu: unutrašnji dug).

^lan 2.

Iznos neizmirenog unutrašnjeg duga

- (1) Unutrašnji dug iz člana 1. ovog zakona koji je, prema nalazu Ureda za reviziju finansijskog poslovanja institucija Bosne i Hercegovine, označen kao "sporne" obaveze - iznosi 501.305,00 KM.
- (2) Neizmireni unutrašnji dug iz stava (1) ovog člana obuhvata obaveze prema budžetskim korisnicima, i to:
 - a) Ministarstvo vanjske trgovine i ekonomskih odnosa BiH 80.461,00 KM
 - b) Arhiv BiH 158.974,00 KM
 - c) Ministarstvo vanjskih poslova BiH 249.631,00 KM
 - d) Ministarstvo za ljudska prava i izbjeglice BiH 12.239,00 KM

^lan 3.

Verifikacija neizmirenog unutrašnjeg duga

- (1) Sve obaveze, u okviru iznosa neizmirenog unutrašnjeg duga iz člana 2. ovog zakona, podliježu verifikaciji, koju će izvršiti Radna grupa, imenovana od strane Vijeća ministara Bosne i Hercegovine (u daljem tekstu: Vijeće ministara).
- (2) Radna grupa iz stava (1) ovog člana utvrdit će postupak verifikacije, izvršiti verifikaciju, te o rezultatima istog izvijestiti Vijeće ministara.

^lan 4.

Utvrđivanje iznosa neizmirenog unutrašnjeg duga

(1) U skladu sa izvršenom verifikacijom i rezultatima dostavljenim od strane Radne grupe, Vijeće ministara će odgovarajućom odlukom utvrditi iznos neizmirenog unutrašnjeg duga prema budžetskim korisnicima do 31. decembra 2002. godine, kao i način njegovog izmirenja.

(2) Obaveze koje ne budu verificirane, odnosno prihvaćene u skladu s odredbama ovog zakona, neće se smatrati obavezom Bosne i Hercegovine i neće biti izvršene.

^lan 5.

Stupanje na snagu

Ovaj zakon stupa na snagu osmog dana od dana objavljivanja u "Službenom glasniku BiH", a objavit će se u službenim glasilima entiteta i Brčko Distrikta Bosne i Hercegovine.

PSBiH broj 96/04
9. septembra 2004. godine
Sarajevo

Predsjedavajući
Predstavničkog doma
Parlamentarne skupštine BiH
Martin Raguž, s. r.

Predsjedavajući
Doma naroda
Parlamentarne skupštine BiH
Goran Milojević, s. r.